

四庫全書薈要

• 乾隆御覽本

子部

淮南鴻烈解卷四

漢高誘注

墜形訓

紀東西南北山川藪澤地之所載萬物形兆所化育也故曰地形

墜形之所載六合之間四極之內

六合已說在原道四極四方之極無復有

外故謂之內也

昭之以日月經之以星辰紀之以四時要之以

太歲

要正也以太歲所在正天時也

天地之間九州八極

八極八方之極也土

有九山山有九寨澤有九藪風有八等水有六品何謂

九州東南神州曰農土

東南辰馬農神后稷之所經緯也故曰農土

正南次

州曰沃土

沃盛也五月建午稼

牆盛張故曰沃土

西南戎州曰滔土

滔大也七

月建申五穀成

正西弇州曰并土

并猶成也八月建酉百穀成熟故曰并土

正中冀州曰中土

冀大也四方之主故曰中土

西北台州曰肥土正

北濟州曰成土

未

東北溥州曰隱土

溥猶平也隱氣所

正東陽州曰申土

申復也陰氣盡於北陽復氣起東北故曰申土

何謂九山會

稽泰山王屋首山太華岐山太行羊腸孟門

會稽山在會稽郡泰

山今在泰山郡是為東嶽王屋山在河東垣縣東北泚水所出首山在蒲坂縣南阿曲之中伯夷所隱太華今弘農華陰山是為西嶽岐山今扶風美陽西北周家所邑也太行在今上黨太行關直河內野王縣羊腸山名

今太原晉陽西北九十里通西河上郡關曰羊腸坂是孟門太行之限也何謂九塞曰太汾

澠阨荆阮方城穀阪井陘令疵句注居庸

太汾在晉澠阨今弘農澠

池是也荆阮方城皆在楚穀阪弘農郡澠池穀欽岑是也井陘在常山通太原關令疵在遼西句注在鴈門陰館句注居庸在上谷阻陽之東通運都關何謂九數數澤也曰越之具區具區在吳

越之楚之雲夢

雲夢在南郡華容

秦之陽紆

陽紆在馮翊池陽一名具區

晉

之大陸

大陸魏獻子所游楚焉而死者是也

鄭之圃田

圃田在今河南中牟傳曰鄭有原圃

猶秦之具圃也吾子取其麋鹿以閒弊邑是也

宋之孟諸

孟諸在今梁國睢陽東北澤

齊之

海隅

海隅猶崖蓋近海濱

趙之鉅鹿

今鉅鹿廣阿澤是也

燕之昭余

昭余今太原郡

古者何謂八風東北曰炎風艮氣所生也東方曰條風

震氣所生也東南曰景風巽氣所生也南方曰巨風離

一曰明庶風西南曰涼風坤氣所生也西方曰颶風兌氣所

西北曰麗風乾氣所生也北方曰寒風坎氣所生也何

謂六水曰河水赤水遼水黑水江水淮水河水出崑崙

出其東南陬遼水出碣石山自塞北東流直遼東之西南

入海黑水在離州江水出岷山在蜀西徼外淮水出桐柏

山在南陽平氏闔四海之內東西二萬八千里南北二萬六千

里子午為經卯酉為緯言經短緯長也水道八千里通谷其名川六百陸

徑三千里

陸徑邪徑也陸地也

禹乃使太章步自東極至于西極

二億三萬三千五百里七十五步使豎亥步自北極至

于南極二億三萬三千五百里七十五步

太章豎亥善行人皆禹臣

也海內東西短南北長極內等也

凡鴻水淵數自三百仞以上二億三

萬三千五百五十里有九淵禹乃以息土填洪水以為

名山

息土不耗減掘之益多故以填洪水名山大山也

掘崑崙虛以下地

掘猶平也

地或作池

中有增城九重其高萬一千里百一十四步二尺

六寸

中崑崙虛中也增重也有五城十樓見括地像此蓋誕實未聞也

上有木禾其修

五尋

上崑崙虛上也五尋長三十五尺

珠樹玉樹璇

窮

樹不死樹在其

西

在木禾之西也

沙棠琅玕在其東

皆玉名也在木禾之東也一說沙棠木名也呂氏春

秋曰果之美者沙棠之實也

絳樹在其南

絳赤色

碧樹瑤樹在其北

青碧

玉色

有四百四十門

面有十門也

門間四里里間九純純丈

五尺

純里名

有九井玉橫維其西北之隅

橫猶光也橫或作彭彭受

不死藥

北門開以內不周之風傾宮旋室

傾宮宮滿一頃田中也旋

室以旋玉飾室也一說室璇璣關可轉旋故曰旋室

縣圃涼風樊

針

桐在崑崙閭

闔之中

閭閭崑崙虛門名縣圃涼風樊桐皆崑崙之山名

是其疏圃疏圃之池

浸之黃水黃水三周復其原

原本也

是謂丹水飲之不死

河水出崑崙東北陬貫渤海入禹所導積石山

渤海大

水自崑崙由地中行禹導而通之至積石山書曰河出積石入嶺出也

赤水出其東南陬

西南注南海丹澤之東赤水之東弱水出自窮石

窮石山名

在張掖北塞外也

至于合黎餘波入于流沙絕流沙南至南海

絕猶過也流沙流行也

洋水出其西北陬入于南海羽民之南

洋水

經隴西氏道東至武都為漢陽

凡四水者帝之神泉以和百藥以潤萬

物崑崙之丘或上倍之

倍之高也

是謂涼風之山登之而

不死或上倍之是謂懸圃登之乃靈能使風雨或上倍

之乃維上天登之乃神是謂太帝之居扶木在陽州日

之所賸

太帝天帝也扶木扶桑也在湯谷之南賸猶照也過陽州東方賸音費

建木在都

廣

建木其狀如牛引之有皮若環黃蛇葉若羅都廣南方山名也

衆帝所自上下日中

無景呼而無響蓋天地之中也

衆帝之從都廣山上天還下故曰上下日中時

日直人上無有晷故曰蓋天地之中

若木在建木西末有十日其華照下

地

末端也若木端有十日狀如蓮華華猶光也光照其下也

九州之大純方千里

緣純

也亦曰量名也

九州之外乃有八殯

寅

亦方千里

殯猶遠也

自東北

方曰大澤曰無通

大澤無通皆數名

東方曰大渚曰少海

水中可居

者曰渚東方多水故曰少海亦澤名

東南方曰景區曰元

穴

澤南方曰大

夢曰浩澤

夢雲夢也浩亦大也

西南方曰渚資曰丹澤

蓋近丹水因其名故

曰丹澤

西方曰九區曰泉澤西北方曰大夏曰海澤北方

曰大冥曰寒澤

北方多寒水故曰寒澤

凡八殯八澤之雲是雨九

州八殯之外而有八紘

紘維也維落天地而為之表故曰紘也

亦方千里

自東北方曰和丘曰荒土

鳳所自歌鸞所自舞名曰和丘曰荒土

東方曰

棘林曰桑野東南方曰大窮曰衆女南方曰都廣曰反

戶都廣國名也山在北國因復曰都廣山言西南方曰

焦僥曰炎土

焦僥短人之國也長不滿三尺

西方曰金丘曰沃野

西方金位

也因為金丘沃猶白西北方曰一目曰沙所

國人一目在面中央

沙所蓋流沙所北方曰積冰曰委羽

北方寒冰所積因以名為積冰也委

羽山名也在北極之陰不見日凡八紘之氣是出寒暑以合八正必以

風雨

八正八風之正也以風雨八紘之內

八紘之外乃有八極自東北方

曰方土之山曰蒼門

東北木將用事青始也故曰蒼門

東方曰東極之

山曰開明之門

明者陽也日之所出故曰開明之門

東南方曰波母之

山曰陽門

東南月建在巳純陽用事故曰陽門據天下諸城東南角門皆陽門是其類也

南方

曰南極之山曰暑門

南方盛陽積溫所在故曰暑門

西南方曰編駒之

山曰白門

西南月建在申金氣之始也金氣白故曰白門

西方曰西極之山曰

闔闔之門

西方八月建酉萬物成濟將可及收斂闔大也闔閉也大聚萬物而閉之故曰闔闔之門

西北方曰不周之山曰幽都之門

幽闔也都聚也玄冥將始用事順陰而聚

故曰幽都之門

北方曰北極之山曰寒門

積寒所在凡八極之故曰寒門

雲是雨天下八門之風是節寒暑八紘八殞八澤之雲

以雨九州而和中土

中土冀州

東方之美者有醫毋閭之珣

荀玕干琪焉

醫母閭山名在遼東屬國珣玕琪玉名

東南方之美者有會

稽之竹箭焉

會稽山在今會稽山陰縣之南禹所葬地竹箭今會稽郡出好竹箭是也

南方

之美者有梁山之犀象焉

梁山在會稽長沙湘南有犀角象牙皆物之珍也

西

南方之美者有華山之金石焉

金美金也石含玉之石也華山今弘農華陰縣

西方之美者有霍山之珠玉焉

出夜光之珠五色之玉也今河東永安縣

西北方之美者有崑崙之球琳琅玕焉

球琳琅玕皆美玉名

北方

之美者有幽都之筋角焉

古之幽都在鴈門以北其畜宜牛羊馬出好筋角可以為

弓東北方之美者有斥山之文皮焉

文皮豹虎之皮也

中央之

美者有岱嶽以生五穀桑麻魚鹽出焉

岱嶽泰山也王者禪代所祠因

曰岱嶽五穀桑麻魚鹽所養人者

凡地形東西為緯南北為經山為積

德川為積刑

山仁萬物生焉故為積德川水智智制斷故為積刑也

高者為生下

者為死

高者陽主生下者陰主死

丘陵為牡谿谷為牝

丘陵高敞陽也故為牡谿

谷汚下陰也故為牝

水圓折者有珠方折者有玉

圓折者陽也珠陰中之陽方折

者陰也玉陽中之陰皆以其類也

清水有黃金龍淵有玉英

清水澄故黃金出焉

龍淵龍所出海之淵玉英轉化有精光焉

土地各以其類生是故山氣多男

澤氣多女障氣多暗

音殷啼極而無聲也

風氣多聾林氣多癡

音隆

也病木氣多偃音羽岸下氣多腫石氣多力象石堅也險阻氣

多癭上下險阻氣衝喉而結多癭咽也暑氣多夭夭折也寒氣多壽谷

氣多痺丘氣多狂衍氣多仁下而汚者為衍陵氣多貪輕土多

利重土多遲利疾也清水音小濁水音大音聲也湍水人輕

遲水人重湍急流悍水也中土多聖人皆象其氣皆應其類故

南方有不死之草北方有不釋之冰南方溫故草有不死者北方寒故冰

有不泮釋者東方有君子之國東方木德仁故有君子之國其人衣冠帶劍食獸使二丈

也虎西方有形殘之尸寢居直夢人死為鬼西方金金斷剖攻戰之事

有形殘之尸也寢寐也居處也金氣方剛故其寢寐處  
夢悟如其夢故曰直夢不終其命死而為鬼能為妖怪  
病人也一說曰形殘之尸於是以兩乳為目肥臍為口  
操干戚以舞以無夢天神斷其手後天帝斷其首也故  
曰寢居磁石上飛雲母來水土龍致雨燕鴈代飛湯遭  
直夢早作土龍以像龍雲從龍故致雨也燕玄鳥也春分而來鴈  
春分而去北詣漢中也燕秋分而北鴈秋分而南詣彭  
蠡也故曰代蛤蟹珠龜與月盛衰與猶是故堅土人剛  
飛代更也隨也

弱土人肥壚土人大沙土人細

細小

息土人美耗土人

醜食水者善游能寒

魚鼈驚之屬

食土者無心而慧

如蚯蚓之屬

食木者多力而羸

熊羆之屬羸煩腸黃理也羸音閑

食草者善走而愚

麋鹿之屬

食葉者有絲而蛾

蠶是也

食肉者勇敢而捍

虎豹鷹鷂之屬

食氣者神明而壽

仙人松喬之屬

食穀者知慧而天不食者不

死而神凡人民禽獸萬物貞蟲各有以生

貞蟲諸細要之屬

或

奇或偶或飛或走莫知其情唯知通道者能原本之天

一地二人三

一陽二陰也人生於天地故曰三也

三三而九九八十一

一主日日數十

十從甲至癸

日主人人故十月而生八九七

十二二主偶偶以承奇奇主辰辰主月月主馬馬故十

二月而生七九六十三三主斗斗主犬犬故三月而生

六九五十四主時時主彘彘故四月而生五九四十

五五主音音主猿猿故五月而生四九三十六主律

律主麋鹿麋鹿故六月而生三九二十七主星星主

虎虎故七月而生二九十八主風風主蟲蟲故八月

而化鳥魚皆生於陰陰屬於陽故鳥魚皆卵生魚游於

水鳥飛於雲故立冬燕雀入海化為蛤萬物之生而各

異類蠶食而不飲蟬飲而不食蜉蝣不飲不食介鱗者

夏食而冬蟄

介甲也龜鼈之屬鱗魚龍之屬

蛻吞者八竅而卵生

鳥魚之屬

嚼咽者九竅而胎生四足者無羽翼戴角者無上齒無

角者膏而無前

膏豕也熊獠之屬無前肥從前起也

有角者指而無後

指牛

羊麋之屬無後肥從後起也

晝生者類父夜生者似母至陰生牝至

陽生牡夫熊羆蟄藏飛鳥時移是故白水宜玉黑水宜

砥

砥卓石

青水宜碧赤水宜丹黃水宜金清水宜龜汾水

濛濁而宜麻濟水通和而宜麥河水中濁而宜菽雒水

輕利而宜禾渭水多力而宜黍漢水重安而宜竹江水

肥仁而宜稻平土之人慧而宜五穀

東方川谷之所注日月之所出其人兪形小頭隆鼻大口鵠肩企行竅通於目筋氣屬焉蒼色主肝長大早知而不壽其地宜麥多虎豹

南方陽氣之所積暑濕居之其人修形兪上大口決眦慈竅通於耳血脈屬焉赤色主心早壯而夭其地宜稻多兕象

西方高土川谷出焉日月入焉其人面末僂修頸邛窮

行竅通於鼻未猶脊也皮革屬焉白色主肺勇敢不仁其地

宜黍多旄繆犀

北方幽晦不明天之所閉也寒水之所積也蟄蟲之所

伏也其人翕形短頸大肩下尻竅通於陰骨幹屬馬

黑色主腎其人慙沖愚食獸而壽其地宜菽菽豈也多犬

馬傳曰冀之北土馬之所生言燕代出馬也

中央四達風氣之所通雨露之所會也其人大面短頤

美鬚惡肥竅通於口膚肉屬馬黃色主胃慧聖而好治

其地宜禾多牛羊及六畜

木勝土土勝水水勝火火勝金金勝木故示春生秋死

春木

王而生秋  
金王而死

寂夏生冬死

豆火也夏火王而  
生冬水王而死

麥秋生夏死

麥金

也金王而生  
火王而死

薺冬生中夏死

薺水也水王而  
生土王而死

木壯水老火

生金囚土死火壯木老土生水囚金死土壯火老金生木

囚水死金壯土老水生火囚木死水壯金老木生土囚火

死音有五聲宮其主也

宮在中央  
故為主也

色有五章黃其主也味

有五變甘其主也位有五材土其主也是故鍊土生木鍊

木生火鍊火生雲

雲金氣  
所生

鍊雲生水鍊水反土鍊甘生酸

鍊酸生辛鍊辛生苦鍊苦生鹹鍊鹹反甘

鍊猶治也

變宮生徵

變徵生商變商生羽變羽生角變角生宮是故以水和土

以土和火以火化金以金治木木復反土五行相治所以

成器用

土木也故曰五行相生所以成器用

凡海外三十六國自西北至

西南方有修股民天民肅慎民

修長也股脚也天民肅慎皆國名一曰肅敬也

慎畏也白民沃民女子民丈夫民

白民白身民被髮亦白女子民其貌無有鬚皆

如女子也丈夫民其狀皆如丈夫衣黃衣冠帶劔皆西方之國

奇

嵯股民一臂民三身

民也奇隻也股脚也言其一人一臂一手一鼻也三身民蓋一頭有三身皆西方之國自西南至東

南方結胃民羽民謹頭國民裸國民三苗民交股民不

死民穿胃民反舌民

三苗國民在豫章之彭蠡交股民脚相交切不死民不食也穿胃胃

前穿孔達背反舌民語不可知而自相曉一說舌本在前不向喉故曰反舌也南方之國名

豕喙民

鑿齒民三頭民脩臂民

豕喙民其喙如豕鑿齒民吐一齒出口下長三尺三頭民負有

三頭也脩臂民一國民皆長臂臂長於身皆南方之國

自東南至東北方有大人

國君子國

東南墟土故人大也

黑齒民玄股民

其人黑齒食稻啗蛇在湯谷上玄股

民其股黑兩鳥夾之見山海經

毛民勞民

其人體半生毛若矢鏃也勞民正理躁擾不定也皆東方

國自東北至西北方有跂踵民句嬰民

跂踵民踵不至地以五指行也

句嬰讀為九  
嬰北方之國

深目民無腸民柔利民

皆北方之國

一目民無

繼民

一目民目在面中央無繼民其人蓋無嗣也北方之國

雒棠武人在西北陬

皆日所入山之名

碓

魚在其南

碓魚如鯉魚也有神聖者乘行九野在無繼民之南

有

神二人連臂為帝候夜在其西南方

連臂大呼夜行

三珠樹在

其東北方有玉樹在赤水之上崑崙華丘在其東南方

在無繼民之東南

爰有遺玉青馬視肉

其人不

楊桃甘櫨查甘

華百果所生

皆異物也在地曰藏

和丘在其東北陬

四方而高曰丘

鸞所自歌鳳所自舞故曰和丘在無繼民東北陬

三桑無枝在其西夸父耽耳

在其北方

耽耳耳垂在肩上

夸父棄其策是為鄧林

夸父神獸也飲河渭

不足將飲西海未至道渴死見山海經

昆吾丘在南方

策杖也其杖生木而成林鄧猶木也

昆吾楚之祖祝融之孫陸終之子為夏伯

軒轅黃帝有

在其北方

巫咸知天

立登保之山暘谷搏

國桑在東方

暘谷日之所出也搏桑在登保之山東北

方有娥

在不周之北長女簡翟

少女建疵

有娥國名也不周山名簡翟建疵姊妹二人

之以生契是為

西王母在流沙之瀕

地志西王母石室在金城臨羌西

北塞樂民拏閭在崑崙弱水之洲

水中可居曰洲

三危在樂民

西

三危西極之山名

宵明燭光在河洲所照方千里

洲水中可居者燭光

所照者方千里

龍門在河淵湍池在崑崙

龍門在河中馮翊夏陽界

玄燿不

周

玄燿水名一曰山名

申池在海隅

海隅藪也

孟諸在沛

孟諸宋澤在睢陽東北

少室太室在冀州

少室太室在陽城嵩高下之別名冀克都冀州冀為天下之號

燭龍

在鴈門北蔽于委羽之山不見日其神人面龍身而無

足

蔽至也委羽北方山名一曰龍銜燭以照太陰蓋長千里視為晝瞑為夜吹為冬呼為夏

后稷壠

在建木西

建木在都廣都廣南方澤名

其人死復蘇其半魚在其間

南方人死復生或化為魚在都廣建木間

流黃沃民在其北方三百里狗國

在其東雷澤有神龍身人頭鼓其腹而熙

雷澤大澤也鼓擊也熙戲

也地理志曰禹貢雷澤在濟陰郡城陽西北城陽有堯塚

江出岷山東流絕漢入海

左還北流至于開母之北右還東流至于東極

岷山在蜀西微

外絕猶過也開母

河出積石洛出荊山

河源出崑崙伏流地中方三千

里禹導而通之故出積石

山在金城郡河關縣西

南荊山禹貢北條荊山在左

馮翊懷德縣之南下有

彊梁原洛

淮出桐柏山睢出羽山

桐柏山在上黨

清漳出楬

怡

水難州浸

戾濁漳出發包

楊戾山在上黨發包山一名鹿谷山亦在上黨長子二漳合流經魏郡入清河

也濟出王屋時泗沂出臺台術

王屋山在河東垣縣東北時泗沂皆水名臺台

術皆山名  
**洛出獵山**  
獵山在北地西北夷中洛東南流入渭  
**汶出弗其流**

**合於濟**  
弗其山在北漢出嶧冢涇出薄落之山  
**薄落之山**  
嶧冢山漢陽縣

西界漢水所出南入廣漢東南至江夏入江薄落之山一名笄頭山安定涇陽縣西禹貢涇水所出東南至陽

陵入  
**渭出鳥鼠同穴伊出上魏**  
鳥鼠同穴山在隴西首陽縣西南渭水所出東

會于澧又入河雖州川  
**雒出熊耳**  
熊耳山在京師上雒之西北  
**浚出**

**華竅維出覆舟汾出燕京**  
燕京山名在太原汾陽汾水所出西南至汾陽冀州浸  
**祗**

**出漬熊溜出目飴**  
目飴山名  
**丹水出高褚**  
高褚一名冢領山在京北上雒丹水

所出東至  
**股出雒山鎬出鮮于京出茅盧石梁**  
鮮于茅盧石梁

析入鈞也

皆山 汝出猛山淇出大號

猛山一名高陵山在汝南定陵汝水所出東南至新蔡入

淮大號山在河內邛縣北或曰在臨慮西

晉出龍山結給合出封羊

結給合一名也

龍山在晉陽之西北晉水所出東入汾封羊山名

遼出砥石釜出景

砥石山名在塞外遼

水所出南入海景山在邯鄲西南釜水所出南流入岐漳其原浪沸湧正勢如釜中湯故曰釜今謂之釜口

出石橋呼池出魯平

魯平山名呼池并州之浸也今中山漢昌呼池河

泥塗淵

出橐

瞞

山維濕北流出於燕

流於北燕北塞外也

諸稽攝提條風之所生也

諸稽攝提天神之名也昆為條風

通視明庶

風之所生也

通視天神也明庶風震卦之所生

赤奮若清明風之所生

也赤奮若天神也

共工景風之所生也

共工天神也人面蛇身離為景

巽為清明風

風諸比涼風之所生也

諸比天神也坤為涼風

皋稽閭闔風之所

生也

皋稽天神也允為閭闔風

隅强不周風之所生也

隅强天神也乾為不周風

窮奇廣莫風之所生也

窮奇天神也在北方道足乘窅兩龍其形如虎坎為廣莫風

演

生海人

窅人之先人

海人生若菌

郡

若菌生聖人聖人生

庶人凡窅者生於庶人羽嘉生飛龍

飛龍羽嘉飛蟲之先飛龍有翼飛

龍生鳳凰鳳凰生鸞鳥鸞鳥生庶鳥凡羽者生於庶鳥

毛犢生應龍應龍生建馬建馬生麒麟麒麟生庶獸凡

毛者生於庶獸介鱗生蛟龍

介鱗鱗蟲之先蛟龍有鱗甲之龍也

蛟龍生

鯢鯢鯢生建邪建邪生庶魚凡鱗者生於庶魚介潭

生先龍

介國也龜之先

先龍生玄龜玄龜生靈龜靈龜生庶龜

凡介者生於庶龜煖濕生容

煖一讀暎當風乾燥之貌

煖濕生於毛

風毛風生於濕玄濕玄生羽風羽風生煖介煖介生鱗

薄鱗薄生煖介五類雜種興乎外肖形而蕃

肖像也言相代象而

蕃多曰馮生陽關

曰馮木之先也

陽關生喬如喬如生幹木幹

木生庶木凡根拔木者生於庶木根拔生程若

根拔根生之草

也先程若生玄玉玄玉生醴泉醴泉生皇草皇草生庶草

凡根茭草者生於庶草海間生屈龍

海間浮草之先也屈龍游龍鴻也

屈龍生容華

容華芙蓉草花

容華生藁

藁流也無根水中草

藁生萍藻萍

藻生浮草凡浮生不根茭者生於萍藻正土之氣也御

乎埃天埃天五百歲生缺缺五百歲生黃埃黃埃五百

歲生黃瀕

永

黃瀕五百歲生黃金

黃金怪石名也中央數五故五百歲而一

化瀕水銀也

黃金千歲生黃龍入藏生黃泉黃泉之埃上為

黃雲陰陽相薄為雷激揚為電上者就下流水就通而

合于黃海

黃海中  
央之海

偏土之氣御乎清天清天八百歲生

青曾青曾八百歲生青瀕青瀕八百歲生青金青金八

百歲生青龍

東方木色青其數  
故八百歲而一化

青龍入藏生清泉清

泉之埃上為青雲陰陽相薄為雷激揚為電上者就

下流水就通而合于青海

東方  
之海

壯土之氣御于赤天赤

天七百萬歲生赤丹赤丹七百萬歲生赤瀕赤瀕七百萬歲生

赤金

南方火其色赤其數  
七故七百萬歲而一化

赤金千歲生赤龍赤龍入藏

生赤泉赤泉之埃上為赤雲陰陽相薄為雷激揚為電

上者就下流水就通而合于赤海

南方之海

弱土之氣御于

白天白天九百歲生白礬白礬九百歲生白湏白湏九

百歲生白金

白金白礬礬石也西方金色白其數九故九百歲而一化

白金千歲生

白龍白龍入藏生白泉白泉之埃上為白雲陰陽相薄

為雷激揚為電上者就下流水就通而合于白海

西方之海

牝土之氣御于玄天玄天六百歲生玄砥

玄砥黑石也

玄砥

六百歲生玄湏玄湏六百歲生玄金


北方水其水黑其數六故六百歲而

一化玄金千歲生玄龍玄龍入藏生玄泉玄泉之埃上為

玄雲陰陽相薄為雷激揚為電上者就下流水就通而  
合于玄海

北方之海上者就下天氣復從天  
流下也其通流之水皆入于海

淮南鴻烈解卷四



總校官庶吉士

臣侍

朝

校對官庶吉士

臣嚴

福

謄錄監生

臣顧

振

欽定四庫全書薈要

子部

淮南鴻烈解卷

五至  
七

詳校官主事臣陳木



淮南鴻烈解卷五

漢高誘注

時則訓

則法也四時寒暑十二月之常法故曰時則

孟春之月招搖

北斗第七星

指寅昏參中旦尾中

參西方白虎之宿昏

時中

於南方尾東方蒼龍

其位東方其日甲乙盛德在

木

太皞之神治東方甲乙木日盛德在木木王東方

其蟲鱗其音角

東方少陽物去大陰

甲散為鱗鱗蟲龍為之長角木也位在東方

律中太簇其數八

律管音也陰衰陽發萬物

大簇地而生故曰太簇其數八五行數五木第三故曰八也

其味酸其臭羶

木味酸酸者鑽

也萬物應陽錯地而生羶木香羶也

其祀戶祭先脾

蟄伏之類始動生出由戶故祀戶脾屬土

陳設俎豆脾在前也春木勝土言常食所勝也一曰脾屬木自用其藏也

東風解凍蟄蟲始

振蘇

東方木木火母也氣溫故東風解冰凍也振動蘇生也

魚上負冰獺祭魚

鯉

鮒之屬內應陽而動上負冰也獺獺水禽也取鯉魚於水邊四面陳之世謂之祭魚

候鴈北

候時之鴈

從彭蠡來北過周雒至北漠中孕卵驚也

天子衣青衣乘蒼龍

周禮馬七尺已上曰龍

服蒼玉建青旗

服佩也熊虎曰旗

食麥與羊

麥金穀也羊土畜也金土以老食所

勝也先食麥以麥為王也

服八風水饗箕

該

燧火

取銅槩中露水服之八方風所吹也

取其木燧之火炊之

東宮御女青色衣青采鼓琴瑟

春王東方故處東宮琴瑟

木也春木王故鼓之

其兵矛

矛有鋒銳似萬物鑽地生

其畜羊

羊土木之母故畜之

朝于

青陽左个以出春令

青陽者明堂也中方外圓通達四出各有左右房謂之个猶隔也東

出謂之青陽南出謂之明堂西出謂之總章北出謂之

玄堂是月天子朝日告朔行令於左个之房東向堂北

頭室也

布德施惠行慶賞省徭賦

布陽德施柔惠也慶善賞賜予也省減徭役之

勞輕其賦歛也

立春之日天子親率三公九卿大夫以迎歲于

東郊

率使也迎歲春也東郊郭外八里之郊

修除祠位幣禱鬼神犧牲用

牡

祠位壇塲屏攝之位也幣圭璧也禱鬼神求福祥也人神曰鬼天神曰神犧牲用牡尚蠲潔也

禁伐

木

春木王當長養故禁之

母覆巢殺胎天母麋母卵

胎獸胎懷妊未育者也麋

子曰天鹿子曰麋卵未驚者皆禁民不得取蓄庶物也

毋聚衆置城郭掩骼埋骴

毋聚合大衆建置城郭以防害農功也骴

孟春行夏令

則風雨不時草木早落國乃有恐

孟春木德用事法當寬仁而用火氣動於

上故草木早落國惶恐也

行秋令則其民大疫飄風暴雨總至黎莠

蓬蒿並興

孟春溫仁而秋正金鐵之令氣不和故民疫疾風雨猥至故黎莠蓬蒿荒穢之草並興盛

也行冬令則水潦為敗雨霜大雹首稼不入

冬陰也水泉湧起而

春行之故為敗氣不和故雨霜大雹百穀惟稷先種故曰首稼不入不熟也

正月官司司空其

樹楊

司空主土春土受嘉穡故官司司空也楊蒲柳也楊木春光故其樹楊

仲春之月招搖

指卯昏弧中旦建星中

弧星在輿鬼南昏時中於南方建星在斗上平旦時中於南方

其位東方其日甲乙其蟲鱗其音角律中夾鍾

萬物去陰夾陽

聚地而生故曰夾鍾

其數八其味酸其臭羶其祀戶祭先脾始雨

水桃李始華

自冬冰雪至此春分穀雨故曰始雨水桃李於是皆秀華

蒼庚鳴鷹化

為鳩

蒼庚黃鸝也鷹化為鳩喙正直不驚搏也鳩布穀也

天子衣青衣乘蒼龍服

蒼王建青旗食麥與羊服八風水饗其燧火東宮御女

青色衣青采鼓琴瑟其兵矛其畜羊朝于青陽太廟

太廟

東向堂中央

命有司省囹圄去桎梏毋笞掠止獄訟

囹圄法室省輕

也在足曰柱在手曰栝止禁也

養幼小存孤獨以通句

萌

句屈生者萌直生者

長養幼小存恤孤獨所以慎陽氣也故草木不句萌者以通達

擇元日令民社

元善也日從甲

至癸也社祭后土所以為民祈穀嫌日有吉否重農事故卜擇之

是月也日夜分雷始

發聲蟄蟲咸動蘇

分等也冬陰閉固雷伏不發是月陽升雷始發聲也咸皆動蘇生也

先

雷三日振鐸以令於兆民曰雷且發聲

鐸木鈴金口木舌且猶將也

有不戒其容止者生子不備必有凶災

以雷電合房室者生子必有瘡

聾通精癡狂之疾

令官市同度量鈞衡石角斗桶

度大尺也量釜鍾也鈞等

也衡石稱也百二十斤為石角平也斗桶量器也

端權槩

端正也稱鍾曰權槩平斗斛者今鈞等也

母竭川澤毋漉鹿陂池毋焚山林毋作大事以防農功

大事戎旅祭不用犧牲用圭璧更皮幣是月尚生育故不用犧牲也更

征伐之事代也以圭璧皮幣代犧牲皮仲春行秋令則其國大水謂鹿皮也幣謂玄纁束帛也

寒氣總至寇戎來征仲春陽中也陽氣長養而行秋節殺戮之令故寒氣猥至寇兵來征

伐其行冬令則陽氣不勝麥乃不熟民多相殘仲春行冬陰之

令陰氣勝陽故陽不勝則麥不升熟民相殘賊行夏令則其國大旱燠氣早來

蟲螟為害仲春行夏太陽之令故大旱陽氣熱故燠極陽生陰故蟲螟作害也蟲食苗心曰螟二

月官倉其樹杏二月興農播穀故官倉也杏有竅在中竅在中像陰布散在上故其樹杏季

春之月招搖指辰昏七星中旦牽牛中

七星南方朱鳥之宿昏時中於

南方牽牛北方玄武之宿平旦時中於南方

其位東方其日甲乙其蟲鱗其

音角律中姑洗

姑故也洗新也是月陽氣養生去故就新故曰姑洗

其數八其味

酸其臭羶其祀戶祭先脾桐始華田鼠化為鴽

桐梧桐也田鼠

鼯鼯鼠也鴽鷯也

虹始見萍始生

虹蜺蜺也萍水藻

天子衣青衣乘蒼

龍服蒼玉建青旗食麥與羊服八風水鑿其燧火東宮

御女青色衣青采鼓琴瑟其兵矛其畜羊朝于青陽右

个

南頭室日右个

舟牧覆舟五覆五反乃言具于天子

舟牧主舟之官

也天子特乘舟而漁故反覆而視之恐有穿漏五覆五反慎之至也天子焉始乘舟薦鮪

於寢廟乃為麥祈實

焉猶於也薦進也鮪魚似鯉而大進此魚於寢廟祈於宗祖求麥實

前曰廟後曰寢

是月也生氣方盛陽氣發泄句者畢出萌者盡

達不可以內

言當施散恩惠以順生道之宣泄不宜吝嗇閉藏也

天子命有司發

困倉助貧窮振乏絕

無財曰貧鰥寡孤獨曰窮振救也

開府庫出幣帛

使諸侯

府庫幣帛之藏也使入聘問諸侯

聘名士禮賢者

有名德之士大賢之人聘

問禮之將與為治也

命司空時雨將降下水上騰循行國邑周視

原野

司空主水土之官下水上騰恐有浸漬傷害五穀故循行徧視之也廣平曰原郊外曰野

修利

隄防導通溝瀆達路除道從國始至境止田獵畢

畢弋

置嗟果浮羅罟餒毒之藥毋出九門

罟掩網也弋繳射也置罟皆捕獸之

罟羅網皆捕鳥之罟小網長柄謂之畢用以掩兔也餒  
啗之也藥毒藥也七物皆不得施用于外以其逆生道  
也九門路門應門雉門庫門皋  
門城門近郊門遠郊門開門  
乃禁野虞毋伐桑柘

桑柘

皆可養蠶故

鳴鳩奮其羽戴鵲

誰

降于桑

鳴鳩奮迅其羽直刺上飛

禁民伐之

曲筥筐

撲持也三輔謂之撲員底曰筥方底曰筐皆受桑器

后妃齋

戒東鄉親桑省婦使勸蠶事命五庫令百工審金鐵皮革筋角箭榦脂膠丹漆無有不良擇下旬吉日大合樂

致歡欣

樂所以移風易俗故擇吉日大合之以致歡和

乃合牦

高

牛騰馬游牝

于牧

牦牛持牛也騰馬騰駒跳踠善將羣者也游從牝於所牧之地風合之

令國讎

那

九

門磔

責

攘以畢春氣

雖散宮室中區隅幽闇之處擊鼓大呼以逐不祥如今驅疫逐除是

也裂牲謂之磔除禍謂之攘春者陰氣之終故磔攘以終畢屬氣也

行是月令甘雨至三

旬季春行冬令則寒氣時發草木皆肅國有大恐

季春行冬

令寒殺之氣也故寒氣時起草木上疎曰肅

行夏令則民多疾疫時雨不降

山陵不登

季春行夏元陽之令氣不和故民疾疫雨澤不降故草木不登成

行秋令則

天多沈陰淫雨早降兵革並起

秋金氣用事水之母也季春行之故多陰沈為

雨金為兵  
革故並起

三月官鄉其樹李

三月科民戶口故官鄉也  
李亦有核說與杏同李後

杏熟故三

孟夏之月招搖指巳昏翼中旦婺女中

翼南方朱

月李也

鳥之宿昏時中於南方婺女一曰須女  
北方玄武之宿是月平旦中於南方

其位南方其日

丙丁盛德在火

炎帝之神治南方也丙丁火  
日也盛德在火火王南方

其蟲羽其

音徵

盛陽用事鱗散而羽羽  
蟲鳳為之長徵音火也

律中仲呂其數七

陽散在外  
陰實在中

所以旅陽成功故曰仲呂其  
數七生數五火第二故曰七

其味苦其臭焦

火味苦也  
焦火香焦

其祀竈祭先肺

祝融吳回為高辛氏火正死為火神託  
祀於竈是月火王故祀之也肺金也祭

祀之肉先用所勝也一曰  
肺火自用其藏也肺音緇

螻蟧

國

鳴丘蟪蛄出

螻蛄蛄也  
蟪蛄蟪也

四月陰氣始動於下故類應鳴也丘蟪螽蟪也

王瓜生苦菜秀

王瓜本草作葭 王瓜色赤感

大之色而生苦菜味苦感大之味而成不榮而實曰秀

天子衣赤衣乘赤騮服赤

王建赤旗食菽與雞

菽豆連皮也雞豆皆屬火所養

服八風水鑿柘燧

火南宮御女赤色衣赤采吹竽笙

火王南方故處南宮也 竽笙空中像陽故

吹其兵戟戟有枝幹像陽布散也戟或作矜

其畜雞朝于明堂左个以

出夏令

南向堂當盛陽故曰明堂東頭室故曰左个雞羽蟲陽也故畜之

立夏之日天

子親率三公九卿大夫以迎歲於南郊

迎歲迎夏也南郊七里之郊

還乃賞賜封諸侯修禮樂饗左右

賞賜有功割土封爵傳曰賞以春夏刑以

秋冬也修治禮樂所以安上治民移風易俗也左右近臣

命太尉贊傑俊選賢良舉

孝悌

太尉卿官命使贊白也才過千人為傑選擇賢良孝悌舉而用之蓋非太尉之職故特命之行

行

爵出祿佐天長養繼修增高無有隳壞毋興土功毋伐

大樹令野虞行田原勸農事驅獸畜勿令害穀天子以

歲嘗麥先薦寢廟

是月麥始升故以豕嘗麥豕水畜宜麥先薦寢廟孝之至也

聚畜

百藥靡草死

陰氣極藥草成故聚積之也靡草草之枝葉靡細者

麥秋至決小罪

斷薄刑

刑者上之所施罪者下之所犯斷者定其輕重而施刑也決謂人以小罪相告者即決遣之不

收繫也

孟夏行秋令則苦雨數來五穀不滋四隣入保

孟夏

盛陽當助長養而行金氣殺戮之令故苦雨殺穀不得滋長也四方之民來入城郭自保守也

行冬令

則草木早枯後乃大水敗壞城郭

行冬寒閉固之令故草木早枯大水敗壞

其城郭奸時違行之應也

行春令則螽蝗為敗暴風來格秀草不實

孟夏當繼修增高助陽長養而行春時啓蟄之令故致螽蝗之敗春木氣多風故言暴風來至使當秀之草不

長茂也

四月官田其樹桃

四月勉農事故官田也桃說與杏同後李熟

仲夏之

月招搖指午昏亢中旦危中

亢東方蒼龍之宿昏時中於南方危北方玄武之宿

平旦時中於南方

其位南方其日丙丁其蟲羽其音徵律中蕤

賓其數七

是月陰氣萎蕤在下像主人也陽氣在上像賓客也故曰蕤賓

其味苦其臭

焦其祀竈祭先肺小暑至螳螂生

螳螂世謂之天鵲  
馬一名齒脫  
鵲決

始鳴反舌無聲

鵲博勞鳥也五月陰作於下博勞夏至應陰而鳴殺蛇於水反舌百舌鳥也能

辨變其舌反易其聲以效百鳥之鳴故謂百舌無聲者五月陽氣極於上微陰起於下百舌應陰故無聲也

天子衣赤衣乘赤騶服赤玉載赤旗食菽與雞服八風

水鑿柘燧火南宮御女赤色衣赤采吹竽笙其兵戟其

畜雞朝于明堂太廟

廟南向堂中央室也

命樂師修鞀鞀琴瑟管

簫調竽箎

池

飾鍾磬

管一孔似簫今之歌簫是也

執干戚戈羽

干盾戚斧

戈戟也羽舞者所持翺也

命有司為民祈祀山川百源大雩帝用盛

樂

山者水之源將欲禱雨故先祭其本源雩者吁嗟其聲以求雨之祭周禮女巫凡邦之大裁歌哭而請亦

其義也帝者天之主宰盛

樂即鞀鞀鞀以下之樂器也

天子以雛嘗黍

雛新雞也言嘗雞而言

嘗黍者以

穀為主也

羞以含桃先薦寢廟

羞進也含桃鶯桃鶯所食故言含桃是月而

熟故

進之禁民無刈藍以染

為藍青未成故也

毋燒灰

火之滅者為灰是月草木

未成不

天物也

毋暴布

暴暴之于日也布者陰功所成不可以小功干盛陽也

門閭無閉

開市無索

門城門閭里門也民順陽氣散布在外當出入故不閉也關要塞市人聚也無索不征稅

也蓋當陽氣盛大之際人君

亦當體之而行寬大之政也

挺重囚益其食

挺者緩也

存鰥

寡振死事

振起也先人為死難者振起其子孫也

游牝別其羣執騰駒班

馬政

是月牝馬懷胎已定故別其羣不致騰駒踰傷其胎有故執之班告也馬政掌馬官也騰駒騰馬也

周禮馬五尺

日長至陰陽爭死生分君子齋戒慎身無

以下曰駒

躁節聲色薄滋味百官靜事無徑以定晏陰之所成

至極

也陽盡午中而微陰起重淵矣此陰陽爭辨之際物之盛陽氣而方長者生盛陰氣而已成者死此死生分判之際也事無徑當請詳而後行

鹿角解蟬始鳴

解墮也蟬鼓翼

始半夏生木堇榮

半夏草藥也木堇朝榮暮落樹高五六尺其葉與安石榴相似是月生榮

華可用

禁民無發火可以居高明遠眺望登丘陵處臺

作炁

榭順陽宣明也一曰望雲物占氣祥也

仲夏行冬令則雹霰傷穀道路不

通暴兵至

冬冰凍故電霰傷害五穀也冬氣閉藏又多水雨故道陷壞不通利暴害之兵橫來至也

行春令則五穀不熟百螫時起其國乃饑

行春令木王好生育

之令故五穀晚熟百螫動服蝗屬時起害穀故國饑也

行秋令則草木零落果實

蚤成民殃於疫

仲夏行秋成熟之令故草木零落果實早成非其時氣故民有疾疫也

五

月官相其樹榆

是月陽氣長養故官相相佐也榆說未聞

季夏之月招搖指

未昏心中旦奎中

心東方蒼龍之宿是月昏時中於南方奎西方白虎之宿是月平旦時中

於南

其位中央其日戊己盛德在土

黃帝之神治中央戊己土日盛德在

土土王中央也

其蟲羸其音宮

羽落而羸羸蟲鱗為之長宮土也位中央五音之主也

律中

百鐘其數五

百鐘林鐘是月陽盛陰起生養萬物故曰百鐘其數五五行數土第五也

其味

甘其臭香

土味甘土臭香也

其祀中雷祭先心

土用事故祀中雷中雷室中之

祭祀后土也心火也用所勝也一曰心土也自用其藏也

涼風始至蟋蟀居奧

蟋蟀蜻蛚

趣織也詩云七月在野此曰居奧不與經合奧或作壁也

鷹乃學習腐草化為蚺

秋節

將至鷹自習擊也蚺馬蛙也一曰螢火蚺音谿

天子衣黃衣乘黃騮服黃玉建

黃旗

黃順土色也

食稷與牛

稷牛皆屬土

服八風水鑿柘燧火中

宮御女黃色衣黃采其兵劔

季夏中央也劔有兩刃諭無所生也一曰諭無所主

皆主之

其畜牛朝于中宮

中宮大室也

乃命漁

語

人伐蛟取鼉

登龜取鼃

漁人掌漁官蛟鼃鼃皆魚屬鼃皮可以作鼓詩曰鼃鼓鼃鼃可以作羹傳曰楚人獻鼃

於鄭靈公靈公不與公子宋鼃羹公子怒染指於鼎嘗之而出是也皆不害人易得故言取蛟有鱗甲能害人難得故言伐鼃神可決吉

凶入宗廟尊之故言登

令滂人入材葦

滂人掌池澤之官入材葦供國

用也 命四監大夫合百縣之秩芻以養犧牲

周制天子地方千里分為

百縣縣有四郡郡有四鄙故春秋傳言上大夫受縣下大夫受郡秦初置三十六郡以監縣耳此云百縣者謂周制畿內之縣也四監監四郡大夫也秩常也常所當出芻故聚之以養犧牲以供皇天上帝

名山大川四方之神宗廟社稷為民祈福行惠令弔死問疾存視長老行稱嚮厚席蓐以送萬物歸也命婦官

染采黼黻文章青黃白黑莫不質良

婦人能別五色故染采白與黑為黼

黑與青為黻青與赤為文赤與白為章質美良善也

以給宗廟之服必宣以明

宣徧

明鮮明也

是月也樹木方盛勿敢斬伐不可以合諸侯起土

功動衆興兵必有天殃土潤溽

辱

暑大雨時行利以殺

草冀田疇以肥土壤

夏至後三十日大暑節火王也潤溽而濕重又有時雨燒薶行水灌

之如以熱湯可以成冀田疇美土疆疆界畔

季夏行春令則穀實解落多風

欬民乃遷徙

春木王木性墮落陽發多風而行其令故穀實解落民多病風欬嗽土氣像春陽布

散民遷徙者也

行秋令則丘隰水潦稼穡不熟乃多女災

丘高也隰

卑也言高下皆有水潦故殺稼令不熟  
陰氣過差故多女災女災生子不育也

行冬令則風寒

不時鷹隼蚤擊四鄙入保

冬陰肅殺而行其令故寒風  
不節鷹隼蚤擊四界之民

皆入城郭  
自保守也

六月官少內其樹梓

六月植稼成熟故官  
少內也梓說未聞

孟

秋之月招搖指申昏斗中旦畢中

斗北方玄武之宿昏  
時中於南方畢西方

白虎之宿平旦

其位西方其日庚辛盛德在金

少皞之  
神治西

方也庚辛金也盛德  
在金金玉西方也

其蟲毛其音商

金氣寒肅者衣毛  
毛蟲虎為之長商

金也位  
律中夷則其數九

夷傷也則法也陽衰陰盛萬  
物凋傷應法成性故曰夷則

也其數九五行數五  
金第四故曰九也

其味辛其臭腥

金味辛金  
臭腥也

其祀門

祭先肝

孟秋始內八由門故祀門肝木也祭祀之用所勝也一曰肝金自用其藏也

涼風至

白露降寒蟬鳴鷹乃祭鳥用始行戮

鷹搏鷙殺鳥於大澤之中四面陳之

世謂之祭鳥始行殺戮順秋氣也

天子衣白衣乘白駱服白玉建白旗

白順金色也白馬黑鬣曰駱

食麻與犬服八風水灋柘燧火西宮御

女白色衣白采撞白鐘

金王西故處西宮

其兵戈其畜狗朝于

總章左个以出秋令

總章西向堂也西方總成萬物而章明之故曰總章狗金畜也

求

不孝不悌戮暴傲悍而罰之以助損氣

損氣陰氣也

立秋之

日天子親率三公九卿大夫以迎秋于西郊

西郊里之外郊也

還乃賞軍率武人於朝

軍率軍將也武勇者之名也

命將率選卒厲

兵簡練桀俊專任有功以征不義詰誅暴慢順彼四方

順循也

命有司修法制繕囹圄禁姦塞邪審決獄平詞訟

決斷平治也

天地始肅不可以羸

肅殺也殺氣始行也羸盛也

是月農始

升穀天子嘗新先薦寢廟

升成薦進也

命百官始收斂完隄

防謹障塞以備水潦修城郭繕宮室

所以為水潦之備者以月建在酉酉

中有畢星好雨也

毋以封侯立大官行重幣出大使行是月令

涼風至三旬

封侯列土封邑也大官九命之爵也重幣金帛之幣大使命卿使之金氣收斂皆近

不宜行也。孟秋行冬令則陰氣大勝，介蟲敗，穀戎兵乃來。孟秋

陰也。復行冬水王之令，陰氣勝也。行春令則其國乃旱。

陽氣復還，五穀無實。春陽亢燥而行其令故旱也。陽氣還者此月涼風而反行溫風之令。

故敗穀令行夏令則冬多火災，寒暑不節，民多瘧疾。夏無實也。

王而行其令，故多火災，寒暑相干。七月官庫其樹棟。庫

府也。秋節整兵，故官庫也。其樹棟實鳳凰。兵所食也。今維城旁有樹棟實秋熟棟音練。仲秋之月。

招搖指酉，昏牽牛中旦，觜雋中。牽牛北方玄武之宿，昏時中於南方觜雋西方。

白虎之宿，平旦其位西方。其日庚辛，其蟲毛，其音商律，時中於南方。

中南呂其數九

南任也言陽氣內藏陰旅助於陽任成萬物也庚辛金日

其味辛其

臭腥其祀門祭先肝涼風至候鴈來玄鳥歸羣鳥翔

時

之鴈從北漢中來過周雒南至彭蠡也玄鳥歸秋分後歸鴈所也羣鳥翔寒氣至羣鳥肥盛試其羽翼而高翔翔者六翮不動也天子衣白衣乘白駱服白玉建白旗食麻與

犬服八風水爨柘燧火西宮御女白色衣白采撞白鐘

其兵戈其畜犬朝于總章太廟

總章西向堂也太廟中央室也

命有司

申嚴百刑斬殺必當無或枉撓

枉曲也撓弱也言平直也

決獄不當

反受其殃是月也養長老授几杖行稭鬻飲食乃命宰

祝行犧牲案芻豢

草養曰芻穀養曰豢案其簿書閱視之

視肥臞全粹

全無

虧缺也粹毛色純也粹音崇

察物色課比類量小大視少長莫不中

度天子乃儺

難

以御秋氣

儺猶除也御止也止秋氣不使為害也

以犬嘗

麻先薦寢廟是月可以築城郭建都邑

國有先君之宗廟曰都無曰邑都曰

城邑

穿竇窖

告

修囷倉

穿竇所以通水不欲地濕也穿窖所以盛穀也

乃命有

司趣民收斂畜采多積聚勸種宿麥若或失時行罪無

疑是月也雷乃始收蟄蟲培戶殺氣浸盛陽氣日衰水

始涸

涸凝竭或作盛言陰勝也

日夜分一度量平權衡正鈞石角斗

桶理關市來商旅

理通也

入貨財以便民事四方來集遠

方皆至財物不匱上無乏用百事乃遂

遂成也

仲秋行春

令則秋雨不降草木生榮國有大恐

春陽氣而行其令故雨不降又溫煦

之仁故草木生榮華也氣相

干必有災咎故國大惶恐

行夏令則其國乃旱蟄蟲

不藏五穀皆復生

行炎陽之令故旱涸氣熱故蟄蟲不藏使五穀復生

行冬令則

風災數起收雷先行草木早死

行冬寒氣激之令故有風災又冬閉藏故收雷

先行草木

八月官尉其樹柘

尉戎官也是月治兵故官尉

季秋之月

招搖指戌昏虛中旦柳中

虛北方玄武之宿昏時中於南方柳南方朱雀之宿平旦

中於南方其位西方其日庚辛其蟲毛其音商律中無射陰氣

上升陽氣下降萬物隨陽而藏無射出見也

其數九其味辛其臭腥其祀門

祭先肝候鴈來賓雀入大水為蛤

鴈以仲秋先至者為主後至者為賓大水

海水

菊有黃華豺乃祭獸戮禽

菊色不一而專言黃者秋令在金以黃為正也

豺似狗而長尾其色黃豺殺獸四

天子衣白衣乘白駱

面陳之世謂之祭獸戮猶殺也

服白玉建白旗食麻與犬服八風水饗柘燧火西宮御

女白色衣白采撞白鐘其兵戈其畜犬朝于總章右个

命有司申嚴號令百官貴賤無不務入以會天地之藏

無有宣出乃命冢宰農事備收舉五穀之要

要簿書也

藏帝

籍之收於神倉

天子籍田千畝故曰帝籍之收籍田所收之穀也神倉倉也

是月也

霜始降百工休

霜降天寒朱漆難成故百工休止不復作器

乃命有司曰寒

氣總至

凝聚而至也

民力不堪其皆入室

詩曰入此室處是也

上下入

學習吹大饗帝嘗犧牲合諸侯制百縣

上旬丁日入學官吹笙等習禮

樂饗上帝用犧牲合諸侯之制度車服之差各兩其命數也百縣畿內之縣言百舉全數耳五家為隣五隣為里四里為鄣四鄣為鄙四鄙為縣然則縣二千五百家也為來歲受朔日與諸侯所

稅於民輕重之法貢歲之數以遠近土地所宜為度

受朔

日如今計吏朝賀豫明年之歷

乃教於田獵以習五戎

戎兵也刀劍矛戟矢曰五戎也

命太僕及七駟咸駕戴荏授車以級皆

正設于屏外

級等也授當車者以高下各隨其等級正立設陳也天子外屏屏樹垣也爾雅曰門

內之垣謂之樹垣

司徒摯

晉

朴北嚮以贊之

摯摯也朴以教導也摯置帶間贊相

威儀也司徒主衆教導之也

天子乃厲服廣飾執弓操矢以獵

是月天子

尚武乃服猛厲之服廣其所佩之飾以取禽也

命主祠祭禽四方

命教也主祠典祀之官祭

禽四方祀始設禽獸者於四方報其功不知其神所在故博求之於四方也

是月草木黃落

乃伐薪為炭螯蟲咸俛乃趨獄刑毋留有罪

俛伏也無留言當斷

也收祿秩之不當供養之不宜者

不當謂無德受祿也不宜謂不孝也一日

所養者無勲於國其先人又無賢德所不宜養故收之

通路除道從境始至國而

后已是月天子乃以犬嘗麻先薦寢廟季秋行夏令則

其國大水冬藏殃敗民多勲

仇室

季秋陰氣而行夏月霖雨之令故大水火

氣故冬藏殃敗也大金相干故民軌室鼻不通利

行冬令則國多盜賊邊境不

寧土地分裂

冬水純陰姦謀所生故多盜賊使邊境之民不安寧也則土地見侵削為隣國所分

裂也行春令則燠風來至民氣解隋師旅並興

春氣陽溫故燠風至

民氣解隋也木干金故師旅並興

九月官候其樹槐

候望也是月繕修守備故曰官候也

槐懷也可以懷來遠人也孟冬之月招搖指亥昏危中旦七星中危

方玄武之宿昏時中於南方七星其位北方其日壬癸

盛德在水頡頏之神治北方壬癸水其蟲介其音羽介

也像冬閉固皮漫胡也甲律中應鍾其數六陰應於陽轉成其功

萬物聚成故曰應鍾其數六其味鹹其臭腐水味鹹也水臭腐也

其祀井祭先腎井水給人故祀井或作行行門內地水冬守在内故祀腎水自用其藏也

始冰地始凍雉入大水為蜃虹藏不見蜃蛟屬大水淮水也傳曰雉入

于淮為蜃虹陰中之陽也是月天子衣黑衣乘玄驪服

陰盛故不見藏氣之下伏也

玄王建玄旗

順水德也熊與虎曰旗

食黍與飩服八風水爨松燧

火北宮御女黑色衣黑采擊磬石

水王北方故處北宮

其兵鍛

晒

其畜飩

鍛者却内像陰閉也飩者水畜也

朝于玄堂左个以出冬令命

有司修羣禁

順陰閉諸所當禁也

禁外徙閉閣大按

搜

客

傳曰禁舊客也

露情也有新客按出之為觀霧也門城門之間里門也嚴閉之守備也

斷罰刑殺當罪

斷罰

刑當決也當罰正罪故殺之

阿上亂法者誅

阿意曲從取容於上以亂法度也誅治也

立

冬之日天子親率三公九卿大夫以迎歲于北郊還乃

賞死事存孤寡

有忠節蹈義死王事者賞其子孫也孤寡皆存慰矜恤之

是月命太

祝禱祀神位占龜策審卦兆以察吉凶於是天子始裘

命百官謹蓋藏命司徒行積聚修城郭警門閭修棧

塞

閉慎管籥固封璽

城郭欲其厚實故言修門閭備禦非常故曰警棧鎖須也閉鎖筒也管籥

鎖匙也棧門或有破壞故言修修邊境完要塞絕蹊徑

管籥不可妄開故言慎璽印也飾喪紀審棺槨衣衾之薄厚

飾治也紀數也二十五月之數也棺槨衣衾薄厚各

有差等故審之

營丘壠之小大高庳

早使貴賤卑尊各有等級

營度也丘壠冢也小大高下各有度量也

是月也工師效功陳祭器案度程

堅致為上

案視度法也堅致功牢也

工事苦慢作為淫巧必行其罪

苦惡也慢不牢也淫巧非常之巧也苦謂監會之監也

是月也大飲蒸天子祈來

年於天宗

蒸冬祭是時大飲酒而祭求明年之福祥也凡屬天子之神日月星辰皆為天宗

大

禱祭于公社畢饗先祖

禱求也公社后土之祭生為上公死為貴神故曰公畢饗先祖

先公後私之義也

勞農夫以休息之命將率講武律射御角力

勁

律習也角平地也勁強貌

乃命水虞漁師收水泉池澤之賦

虞掌水官

師長賦稅也

毋或侵牟

牟多也

孟冬行春令則凍閉不密地氣

發泄民多流亡

春陽氣散越故凍閉不密地氣發泄也民多流亡像陽氣布散

行夏令

則多暴風方冬不寒蟄蟲復出

冬當閉藏反行夏盛陽之令故多暴疾陽氣溫

故歲冬不寒令蟄伏之蟲復出也

行秋令則雪霜不時小兵時起土地

侵削

秋氣干冬太寒不當雪而雪不當霜而霜故曰不時

十月官司馬其樹檀

冬開

講武故官司

仲冬之月招搖指子昏壁中旦軫中

東壁北方

馬檀陰木

玄武之宿昏時中於南方軫南方朱鳥之宿平旦時中於南方

其位北方其日壬癸其

蟲介其音羽律中黃鍾其數六

黃鍾者陽氣聚於下陰氣盛於上萬物黃萌於

地中故曰黃鍾

其味鹹其臭腐其祀井祭先腎冰益壯地始坼

鴟

天鳴旦

不鳴虎始交

鴟鳴夜鳴求旦之鳥是月陰盛故不鳴虎陽中之陰陰氣盛以

類發也交讀枝

天子衣黑衣乘鐵驪服玄玉建玄旗食黍與瀝

服八風水爨松燧火北宮御女黑色衣黑采擊磬石其

兵鍛其畜彘朝于玄堂太廟命有司曰土事無作無發

室居及起大衆是謂發天地之藏諸蟄則死民必疾疫

有隨以喪急捕盜賊誅淫泆詐偽之人命曰暘

暢月

陰氣

在上民人空間  
故命曰暘月

命奄尹申宮令

奄官也尹正也申  
宮令重戒教也

審門

閭謹房室必重閉

助陰  
氣也

省婦事乃命大酋秫

術

稻必齊

麴蘖必時

婦事婦功也大酋酒官之長秫稻麴蘖  
酒材也齊多寡中度也時制度及時也

湛

審

燂熾必潔水泉必香

湛漬燂蒸炊也潔無  
所污香無穢惡之氣

陶器必良火

齊必得無有差忒

陶器瓦器良無罅漏之失得適生熟之宜

天子乃命有司

祀四海大川名澤

冬令方中水復至盛故為民禱祀之也

是月也農有不

收藏積聚牛馬畜獸有放失者取之不詰

詰問也

山林藪

澤有能取疏食田獵禽獸者野虞教導之其有相侵奪

罪之不赦是月也日短至陰陽爭君子齋戒處必掩身

欲靜去聲色禁嗜欲

聲絲竹金石之聲也色美色也有貪欲濫求者禁之也

寧身

體安形性

閉情欲也

是月也荔挺出芸始生丘蟪結麋角解

荔馬荔草也芸蒿菜名丘蟪蟲名結屈結也麋角解墮皆應徵陽氣也

水泉動則伐樹木

取竹箭罷官之無事器之無用者涂

塗

闕庭門閭築圉

圉所以助天地之閉仲冬行夏令則其國乃旱氛霧冥

冥雷乃發聲

夏氣炎陽故其國旱清濁相干故氛霧冥冥也

行秋令則其時雨

水瓜瓠不成國有大兵

秋金氣水之母也故雨水水金用事故有大兵

行春令

則蟲螟為敗水泉咸竭民多疾癘

春陽氣蟄伏生故蟲螟敗穀水泉竭也陽

干陰氣未和故多疾癘

十一月官都尉其樹棗

冬成軍師故官都尉棗取其赤心也

季冬之月招搖指丑昏婁中旦氐中

婁西方白虎之宿昏時中於南方氐

東方蒼龍之宿平旦時中於南方

其位北方其日壬癸其蟲介其音羽

律中大呂

呂旅也萬物萌動於黃泉未能達見所以旅旅去陰即陽助其成功故曰大呂

其數

六其味鹹其臭腐其祀井祭先賢鴈北鄉鵲加巢

鴈在彭蠡

之澤皆北嚮將至北漢中也鵲感陽而動上加巢也

雉雉雞呼卯

雞呼鳴求卯也

天子衣

黑衣乘鐵驪服玄玉建玄旗食麥與彘服八風水爨松

燧火北宮御女黑色衣黑采擊磬石其兵鍛其畜彘朝

于玄堂右个命有司大雊旁磔出土牛

大雊今之逐陰驅疫為陽導也

旁磔四面皆磔犬羊以禳四方之疾疫也出土牛今鄉縣出勸農耕之土牛於外是也

命漁師始

漁天子親往射漁先薦寢廟令民出五種令農計耦耕

事修耒耜具田器

耦耦合也

命樂師大合吹而罷乃命四監

收秩薪以供寢廟及百祀之薪燎

秩常也謂有常數也大而可析者謂之薪

小而束者謂之柴薪燎炊也爨及夜燎之用也

是月也日窮于次月窮于紀星

周于天歲將更始

日窮于次者去年季冬次玄枵至此窮盡還次玄枵也紀會也去年季冬

月與日相會于玄枵至此窮盡復還會于玄枵也星周于天者謂二十八舍更見南方至是月周匝也

令

靜農民無有所使天子乃與公卿大夫飾國典論時令

以待嗣歲之宜乃命太史次諸侯之列賦之犧牲

賦布也

以待皇天上帝社稷之芻享乃命同姓之國供寢廟之

芻豢卿士大夫至于庶民供山林名川之祀季冬行秋

令則白露早降介蟲為祿祥四鄙入保

秋節白露故白露早降介甲之

蟲為祿災金氣為兵故四境之民入城郭自保守也

行春令則胎夭傷國多痼疾

命之曰逆

季冬大寒而行春溫之令氣不和謂胎養夭傷國多篤疾逆風氣之由也

行夏令

則水潦敗國時雪不降冰凍消釋

夏氣炎陽又多霖雨故水潦敗國也時雪

當降而不降冰凍不當消釋而消釋皆干時之徵也

十二月官獄其樹櫟

十二月歲盡刑

斷故獄官也櫟可以為車轂木不出火惟櫟為然亦應陰氣也

五位東方之極自碣石

山過朝鮮貫大人之國

碣石在遼西界海水西畔朝鮮樂浪之縣也貫通也大人國在

其東至日出之次搏

扶

木之地青土樹木之野

搏木

太皞

句芒之所司者萬二千里

太皞庖犧氏東方木德之帝句芒木神司主也

其令曰

挺羣禁開闔通窮室達障塞行優游棄怨惡解役罪

免憂患休罰刑開闔梁宣出財和外怨撫四方行柔惠止

剛強

剛強侵陵人不循軌度者禁止之也

南方之極自北戶孫之外

北戶孫國

名日在其北皆為北向戶以日故北戶

貫顓頊之國南至委火炎風之野

赤帝祝融之所司者萬二千里

赤帝炎帝少典之子號為神農南方火德之帝

也祝融顓頊之孫老童之子吳回也一名黎為高辛氏大正號為祝融死為大神

其令曰爵有

德賞有功惠賢良救饑渴舉力農賑貧窮惠孤寡憂罷

疾出大祿行大賞起毀宗立無後封建侯立賢輔

應陽施也

中央之極自崑崙東絕兩恒山

自從也絕猶過也恒山常也言兩未聞

日

月之所道江漢之所出

日月照其所經過之道江出岷山漢出嶓冢山

衆民之

野五穀之所宜龍門河濟相貫以息壤堙洪水之州東

至於碣石黃帝后土之所司者萬二千里

黃帝少典之子以土德王

天下號為軒轅氏死為中央土德之帝后土者其令曰

勾龍氏之子名曰后土能平九土死祀為土神

平而不阿明而不苛包裹覆露

露潤也

無不囊括溥汜無

私正靜以和行稭鬻養老衰帛死問疾以送萬物之歸

土四方之主故曰

西方之極自崑崙絕流沙沈羽西至

萬物之所歸也

三危之國

流沙蓋在崑崙之西南

石城金室飲氣之民不死之野

少皞蓐收之所司者萬二千里

少皞黃帝之子青陽也名摯以金德王天下號

為金天氏死為西方金德之帝蓐收金天氏之裔子曰修禮死為金神

其令曰審用法誅

必辜備盜賊禁姦邪飾羣牧謹著聚修城郭補決竇塞

蹊徑遏溝瀆止流水雖谿谷守門閭陳兵甲選百官誅

不法

應金斷也

北方之極自九澤窮夏晦之極北至今正之

谷

九澤北方之澤夏大也晦暝也

有凍寒積冰雪雹霜霰漂潤羣水之

野顓頊玄冥之所司者萬二千里

顓頊黃帝之孫以水德王天下號高陽氏

死為北方水德之帝其神玄冥者金天氏有適子曰昧為玄冥師死而祀為主水之神

其令曰申

羣禁固閉藏修障塞繕關梁禁外徙斷罰刑殺當罪閉

開閤大搜客止交游禁夜樂早閉晏開以塞姦人已得

執之必固天節已幾刑殺無赦雖有盛尊之親斷以法

度母行水母發藏母釋罪

應陰殺也

六合孟春與孟秋為合

仲春與仲秋為合季春與季秋為合孟夏與孟冬為合

仲夏與仲冬為合季夏與季冬為合孟春始嬴孟秋始

縮

嬴長也縮短也

仲春始出仲秋始內

出二月播種內八月收斂

季春大出

季秋大內孟夏始緩孟冬始急

緩四月陽安急十月寒肅

仲夏至脩

仲冬至短

夏至北極冬至南極短脩皆在至前

季夏德畢季冬刑畢

德畢陽施

結刑畢刑獄盡

故正月失政七月涼風不至二月失政八月雷

不藏三月失政九月不下霜四月失政十月不凍五月

失政十一月蟄蟲冬出其鄉六月失政十二月草木不

脫

不脫葉槁著樹不零落也

七月失政正月大寒不解

東風不解凍也

八月

失政二月雷不發

不發聲也

九月失政三月春風不濟

濟止也

十月失政四月草木不實

實長也

十一月失政五月下雹

霜十二月失政六月五穀疾狂

疾狂不華而實也

春行夏令泄

象盛陽發泄

行秋令水

水生於中故水

行冬令肅

象氣肅急

夏行春令風

象春木氣多

行秋令蕪

象秋氣蕪穢生

行冬令格

格鼓也象冬斷刑恩澤至格不流下

秋行夏令華

象夏氣樹華茂

行春令榮

象春氣生榮華

行冬令耗

耗零落也

冬行春令泄

象春氣布散發泄也

行夏令旱

旱象陽炎

行秋令霧

秋氣陰故

亂霧制度陰陽大制有六度天為繩地為準春為規夏為

衡秋為矩冬為權繩者所以繩萬物也準者所以準萬物也規者所以員萬物也衡者所以平萬物也矩者所以方萬物也權者所以權萬物也繩之為度也直而不

爭脩而不窮久而不弊遠而不忘與天合德與神合明所欲則得所惡則亡自古及今不可移匡厥德孔密廣

大以容是故上帝以為物宗

宗本也

準之為度也平而不

險巧而不阿廣大以容寬裕以和柔而不剛銳而不挫

銳利也流而不滯

流行滯止也

易而不穢發通而有紀

紀道也

周密而不泄準平而不失萬物皆平民無險謀怨惡不

生是故上帝以為物平

平評也

規之為度也轉而不復員

而不垓

復過垓轉也垓音患

優而不縱廣大以寬感動有理發通

有紀優優簡簡百怨不起

優簡寬舒之貌

規度不失生氣乃理

氣類理達也

衡之為度也緩而不後平而不怨施而不德弔

而不責常平民祿以繼不足教教陽陽唯德是行養長

化育萬物蕃昌以成五穀以實封疆其政不失天地乃

明

明理也

矩之為度也肅而不悖剛而不憤取而無怨內

而無害威厲而不懾令行而不廢殺伐既得仇敵乃克  
矩正不失百誅乃服權之為度也急而不贏殺而不割  
充滿以實周密而不泄敗物而弗取罪殺而不赦誠信  
以必堅慤以固冀除苛慝不可以曲故冬正將行必弱  
以強必柔以剛權正而不失萬物乃藏明堂之制靜而  
法準動而法繩春治以規秋治以矩冬治以權夏治以  
衡是故燥濕寒暑以節至甘雨膏露以時降

淮南鴻烈解卷五

淮南鴻烈解卷六

漢高誘注

覽冥訓

覽觀幽冥變化之端至精感天通達無極故曰覽冥

昔者師曠奏白雪之音而神物為之下降風雨暴至平

公癘

隆病晉國赤地

白雪太一五十絃瑟曲名也神物神化之物謂玄鶴之屬來至

無頭鬼類操戈以舞也平公晉悼公之子彪也癘病篤疾赤地旱也唯聖君能御此異使無災耳平公德薄不能堪故篤

病而大旱

庶女叫天雷電下擊景公臺隕支體傷折海

水大出

庶賤之女齊之寡婦無子不嫁事姑謹敬姑無男有女女利母財令母嫁婦婦益不肯女殺母

以誣寡婦婦不能自明冤結叫天天為作雷電下擊景公之臺頃壞也毀景公之支體海水為之大溢出也

夫瞽師庶女位賤尚莒

洗

權輕飛羽

尚主也莒者莒耳菜名也主是官者

至微賤也瞽師庶女之位復賤於主菜之官

然而專精厲意委務積神上通

九天激厲至精由此觀之上天之誅也雖在壙虛幽間

遼遠隱匿重襲石室界障險阻其無所逃之亦明矣

上天

上帝也上帝神明言人有罪惡雖自隱蔽竄藏猶見誅害也

武王伐紂渡于孟津陽

侯之波逆流而擊疾風晦冥人馬不相見

陽侯陵陽國侯也其國近

水溺死於水其神能為大波於是武王左操黃鉞右秉有所傷害因謂之陽侯之波

白旄瞋目而撫

揮

之曰余任天下誰敢害吾意者於是

風濟而波罷魯陽公與韓構難戰酣日暮援戈而撫之

日為之反三舍

魯陽楚之縣公也楚僭號稱王其守縣大夫皆稱公酣對戰合鋒時也撫揮也

揮日令反却行三舍舍次宿也

夫全性保真不虧其身遭急迫難精通

于天若乃未始出其宗者何為而不成

精通于天者謂聖人質成上通

為天所助宗者道之本也謂性不外逸生與道同也

夫死生同域不可脅陵勇武

一人為三軍雄

武士也江淮間謂士曰武

彼直求名耳而能自要者

尚猶若此又況夫宮天地懷萬物

以天地為宮室懷猶囊也

而友造

造化陰陽也

與之相朋友 含至和直偶于人形

外直偶與人同形而內有大道也

觀九鑽一知之所不知

九謂九天一龜也觀九天之變鑽龜占兆所不知事亦云然也

而心未嘗死者乎昔雍門子以哭見於孟嘗君

雍門子名因善

彈琴又善哭雍門齊西門也居近之因以為氏哭猶歌也見猶感也孟嘗君齊相田文

已而陳辭

通意撫心發聲孟嘗君為之增歎

驚也

流涕狼戾

不可止

增重也歎也失聲也狼戾猶交橫也

精神形於內而外諭哀於人

心此不傳之道

言能以精誠哀悲感傷人心不可學而得之

使俗人不得其

君形者而效其容必為人笑

君形者言至精為形也

故蒲且子之

連鳥於百仞之上

蒲且子楚人善弋射者

而詹何之驚魚於大淵

之中此皆得清淨之道太浩之和也

詹何楚人知道術者也言其善釣令

魚馳驚來趨釣餌

夫物類之相應玄妙深微知不能論辯不能

解故東風至而酒湛溢

東風木風也酒湛清酒也米物下湛故曰湛木味酸酸風入酒

故酒醇而湛者沸溢物類相感也

蠶呬絲而商弦絕或感之也

老蠶上下絲於

口故曰呬絲新絲出故絲脆商於五音最細而急故絕也呬作珥蠶老時絲在身中正黃達見于外如珥也商西方金音也蠶午火也火壯金囚應商而已或有新故相感者也

畫隨反而月運

圓闕

鯨魚死而彗星出或動之也

運者軍也將有軍事相圍守則月運出也以蘆草灰

隨牖下月光中令圖畫缺其一面則月運亦缺於上也  
鯨魚大魚長數里死於海邊魚之身賤也彗星為變異  
人之害也故聖人在位懷道而不言澤及萬民君臣垂  
類相動也

心則背譎見於天神氣相應徵矣

日旁五色氣在兩邊外出為背外向為譎

內向為珥在上外出為冠

故山雲草莽水雲魚鱗

山中氣出雲似草莽水氣出雲似魚

鱗旱雲煙火涔雲波水各像其形類所以感之

旱雲亢陽氣似

煙火涔清水也雲出於涔似波水

夫陽燧取火於日方諸取露於月天

地之間巧厯不能舉其數

巧工也天地之間物類相感者衆多雖工為厯術者不能

悉舉其數也

手徵忽恍不能覽其光

言手雖覽得微物不能得其光然以掌

握之中引類於大極之上

太極天地始形之時也上猶初也

而水火可

立致者陰陽同氣相動也

動猶化也

此傳說之所以騎辰尾

也

言殷王武丁夢得賢人使工寫其象旁求之得傳說於傅巖遂以為相為高宗成八十一符致中興也死

託精於辰尾星一名天策

故至陰

留

颺至陽赫赫兩者交接成和

而萬物生焉衆雄而無雌又何化之所能造乎所謂不

言之辯不道之道也故召遠者使無為焉

遠者四夷也欲致化四夷

者當以無為無為則夷荒自至也

親近者使無事焉

近者諸夏也欲親近者當以無事無

事則近人自親附之

惟夜行者為能有之

夜行諭陰行也陰行神化故能有天下也

故

却走馬以糞而車軌不接於遠方之外

却走馬以糞先子辭也上馬不

以走但以糞糞田也行至德之效也一說國君無道則戎馬生於郊無事止走馬以糞田也故兵車之軌不接

遠方之外兩輪之間為軌是謂坐馳陸沈晝冥宵明

言坐行神化疾於馳傳沈浮冥

明與道合也以冬鑠膠以夏造冰夫道者無私就也無私去

也能者有餘拙者不足

言以非時鑠膠造冰難成之也天道無私就去能行道功有餘

也順之者利逆之者凶譬如隋侯之珠和氏之璧得之

者富失之者貧

隋侯漢東之國姬姓諸侯也隋侯見大蛇傷斷以藥傳之後蛇於江中銜大珠

以報之因曰隋侯之珠蓋明月珠也楚人卞和得美玉璞於荆山之下以獻武王王以示玉人玉人以為石別

其左足文王即位復獻之以為石則其右足抱璞不釋而泣血及成王即位又獻之成王曰先君輕則而重剖石遂剖視之果得美玉

以為璧蓋純白夜光也

得失之度深微窈冥難以知論

不可以辯說也何以知其然今夫地黃主屬骨而甘草

主生肉之藥也以其屬骨責其生肉以其生肉論其屬

骨是猶王孫綽之欲倍偏枯之藥而欲以生殊死之人

亦可謂失論矣

王孫綽周人言一劑藥愈偏枯之病欲倍其劑以生已死之人

若夫以

火能焦木也因使銷金則道行矣若以磁石之能連鐵也而求其引瓦則難矣物固不可以輕重論也夫燧之

取火於日磁石之引鐵蟹之敗漆

以蟹置漆中則敗壞不燥不任用也

葵

之鄉日雖有明智弗能然也

然猶明也

故耳目之察不足以

分物理心意之論不足以定是非故以智為治者難以

持國唯通于太和而持自然之應者為能有之

能有持國之術

故嶢山崩而薄落之水涸

薄落涇水

區

詎

治生而淳鈞之劍

成

區越人善治劍工也淳鈞古大銳劍也

紂為無道左強在側

左強紂之諛臣

太

公竝世故武王之功立由是觀之利害之路禍福之門

不可求而得也

言其門戶不可豫求而得知忽然來至無形逃也

夫道之與德

若韋之與革遠之則邇近之則遠

革之質象道韋之質象德欲去遠之道反

在人側欲以事求之去人已遠也無事者近人有事者遠人

不得其道若觀鯨魚

魚

小魚也在水中可觀見見而不可得道亦如之

故聖若鏡不將不迎

將送也

應而

不藏

應猶隨也謂境隨人形好醜不有藏匿者也

故萬化而無傷其得之乃

失之其失之也乃得之也

自謂得是乃失道者也自謂失道未必不得道也

今

夫調弦者叩宮宮應彈角角動此同聲相和者也

叩大宮則

少宮應彈大角則少角動

夫有改調一弦其於五音無所比鼓之而

二十五弦皆應此未始異於聲而音之君已形也

一弦宮音

也音之君也故二十五弦皆和一說改調一弦不比  
五音謂一聲宮音也故曰未始異於聲也五主於一聲  
故曰音之君已故通於太和者惛若純醉而甘臥以游  
形君主形見也

其中而不知其所由也

太和謂等死生之和齊窮達之端其中道之中也不自知所至

此純溫以淪鈍悶以終若未始出其宗

純一也溫和也淪沒也諭潛伏

也鈍悶無情也欲終始於道宗本也若未有其形

是謂大通今夫赤螭青虬之

游冀州也

赤螭青虬皆龍屬

天清地定毒獸不作飛鳥不駭入

榛薄食薦梅

薦梅草實也狀如桑椹其色赤生江濱

嚼味含甘步不出頃

畝之區而蛇鰥輕之以為不能與之爭於江海之中

嚼味

長美也蛇鱣自以爲能勝赤螭青虬

若乃至於玄雲之素朝

玄黑素白也黑雲升合於

明朝

陰陽交爭降扶風雜凍雨扶搖而登之

降下也扶風疾風也

凍雨暴雨也扶搖發動也登上也上風雨而去

威動天地聲震海內蛇鱣著泥

百仞之中熊羆匍匐丘山磐巖虎豹襲穴而不敢咆

襲入

咆

援狔顛蹶而失木枝

狔援屬長尾而昂鼻

又況直蛇鱣之類

乎鳳凰之翔至德也

雄曰鳳雌曰凰為至德之君而來翔也

雷霆不作風

雨不興川谷不澹

澹溢也

草木不搖而燕雀佼

交

之以爲

不能與之爭於宇宙之間

燕雀自以爲能佼健於鳳凰也佼或作諛宇屋簷也宙棟

梁也易曰迨至其曾逝萬仞之上翱翔四海

曾猶高也逝猶飛也

一曰回也翼一上一下曰翔不搖曰翔

過崑崙之疏圃飲砥柱之湍瀨疏圃

在崑崙之上砥柱河之隘也在河東大陽之東湍渾水至疾瀨清皆激渾急流

逦回蒙汜之渚

逦回猶尚佯也蒙汜日所出之地池決復入為渚渚小淵也

尚佯冀州之際徑躡都

廣入日抑節

躡至也都廣東南之山名衆帝所自上下也言鳳凰過都廣之野送日入於抑節之

地言其翔之廣也躡或作絕徑過絕歷也

羽翼弱水暮宿風穴

濯羽翼於弱水之上風穴

北方寒風從地出也

當此之時鴻鵠鶴鷯莫不憚驚伏竄注喙江

裔

注喙注地不敢動也裔邊也

又況直燕雀之類乎此明於小動之

迹而不知大節之所由者也昔者王良造父之御也

王良

晉大夫郵無恤字良也所謂郵良也一名孫無政為趙簡子御死而託精於天駟星天文有王良星是也造父

嬴姓伯翳之後飛廉

之子為周穆王御上車攝轡馬為整齊而斂諧

整齊不差

也斂諧馬容體足調諧也投足調均勞逸若一

一同

心怡氣和體便

輕畢

畢疾也

安勞樂進馳驚若滅

滅沒也言疾也

左右若鞭周旋

若環

左右謂駢駢也步趨之力若被鞭矣

世皆以為巧然未見其貴者也

若夫鉗且大丙之御

此二人太一之御也

除轡銜去鞭棄策車莫

動而自舉馬莫使而自走也日行月動星耀而玄運

耀有

玄天也  
運行也

電奔而鬼騰進退屈伸不見朕垠

垠形狀也

故不招

指不吐叱過歸鴈於碣石

言其御疾到自息止乃使北歸於碣石之山南中之鴈得

之過軼鷦鷯於姑餘

自後過前曰軼姑餘山名在吳鷦鷯鳳凰之別名言其御疾自

碣石過歸鴈便復東南

騁若飛鷺若絕縱矢躡風追焱

標歸忽

矢在後不能及故言縱其行疾能及矢言躡追焱及之焱光中有影者忽然便歸皆及言疾也

朝發櫓

扶

桑日入落棠

櫓桑即扶桑神木也落棠山名

此假弗用而能

以成其用者也非慮思之察手爪之巧也嗜欲形於胸

中而精神踰於六馬此以弗御御之者也

以弗御御之以道術御也

昔者黃帝治天下而力牧太山稽輔之

力牧太山稽黃帝師

以治

日月之行律

律度也

治陰陽之氣節四時之度正律歷之

數別男女異雌雄明上下等貴賤使強不掩弱衆不暴

寡人民保命而不夭歲時熟而不凶百官正而無私上

下調而無尤法令明而不闇輔佐公而不阿田者不侵

畔漁者不爭隈

隈曲深處魚所聚也

道不拾遺市不豫賈城郭不

關邑無盜賊鄙旅之人相讓以財狗彘吐菽粟於路而

無忿爭之心於是日月精明星辰不失其行風雨時節

五穀登熟虎狼不妄噬鷖鳥不妄搏鳳凰翔於庭麒麟

游於郊青龍進駕飛黃伏皂

飛黃乘黃也出西方狀如狐背上有角壽千歲皂極

也諸北僖耳之國莫不獻其貢職然猶未及虞攝氏之

道也往古之時四極廢九州裂天不兼覆地不周載火

熒炎而不滅水浩洋而不息猛獸食顓民

顓善也

鷖鳥攬

老弱

攬攬也

於是女媧鍊五色石以補蒼天

女媧陰帝佐虞攝治者也

三皇時天不足西北故補之

斷鼇足以立四極

鼇大龜天廢頓以鼇足柱之楚詞曰鼇載

山下其何以安之是也

殺黑龍以濟冀州

黑龍水精也力牧太稽殺之以止雨濟朝也冀

九州中謂今四海之內

積蘆灰以止淫水

蘆葦也生於水故積聚其灰以止淫水平地出

水為淫水

蒼天補四極正淫水涸冀州平狡蟲

蟲行也

死顓民

生背方州抱圓天

方州地也

和春陽夏殺秋約冬枕方寢繩

方渠四寸也寢繩真身而卧也

陰陽之所壅沈不通者竅理之逆氣戾

物傷民厚積者絕止之

逆氣亂氣也傷害民物之積財故絕止之

當此之時

卧倨

虛

倨興眊眊

倨倨卧無思慮也眊眊視無智巧貌

一自以為馬一自

以為牛其行踳

真

踳其視瞑瞑侗然皆得其和莫知所

由生浮游不知所求翹翹不知所往當此之時禽獸蝮

蛇無不匿其爪牙藏其螫毒無有攫噬之心考其功烈

上際九天下契黃墟

黃墟黃泉下有墟土也

名聲被後世光暉重

萬物乘雷車服駕應龍驂青虬

駕應德之龍在中為服在旁為驂有角為龍無

角為虬一說應龍有翼之龍也援絕瑞席蘿圖

殊絕之瑞應援而致之也羅列圖籍以為席薦

一說羅圖

黃雲絡前白螭後奔蛇

絡謂車之垂絡也黃雲之氣絡其車白螭

車上席也

導在於前奔蛇騰蛇從在於後皆瑞應也

浮游消搖道鬼神登九天朝帝於

靈門

在朝於上帝靈門也

宓穆休于太祖之下

宓寧穆和休息也太祖道之大宗

然而不彰其功不揚其聲

彰揚皆明也

隱真人之道以從天

地之固然

隱藏也真人真德之人固自然也

何則道德上通而智故消

滅也逮至夏桀之時主闇晦而不明道瀾漫而不修

義仁

道不復修設故曰瀾漫

棄捐五帝之恩刑推蹶三王之法籍是以

至德滅而不揚帝道揜而不興

興舉也

舉事戾蒼天發號

逆四時

戾反也

春秋躡其和天地除其德

躡藏也言和氣不復行也言其

所施日惡不自知也

仁君處位而不安大夫隱道而不言

不為民所安隱

仁義之道不正諫直言也

羣臣準上意而懷當

準望懷思當合也取合主意不復以道正

諫也疏骨肉而自容邪人參耦比周而陰謀

陰謀私謀也

居君

臣父子之間而競載驕主而像其意

像猶隨也

亂人以成其

事是故君臣乖而不親骨肉疏而不附植社槁而墜

裂

言不裡於神也

容臺振而掩覆

容臺行禮容之臺言不能行禮故天文振動而敗也

犬

羣嗥

豪

而入淵

言將滅壞犬失其主故嗥而入淵也一說言犬禍也

豕銜蓐而席

澳

豕啣其蓐席入之澳言豕禍也一說銜蓐自藏

美人挈

初

首墨面而不容

挈首

亂頭也草與髮并編為髻首不修容飾也

曼聲吞炭內閉而不歌

曼聲善歌也見世亂

衰將滅故吞炭自敗音聲閉氣不復動也

喪不盡其哀獵不聽其樂

言時亂禮壞不

盡在哀樂崩故不復聽田獵之樂

西老折勝黃神嘯吟

西王母折其頭上所戴勝為時

無法度黃帝之神傷道

飛鳥鍛翼走獸廢脚

鍛翼縱翼也廢脚跛

之衰故嘯吟而長嘆也

蹇也言禁無道田獵煩

數鳥獸悉被創夷也山無峻榦澤無注水

水言山澤不以時也

狐狸首穴馬牛放失田無立禾路無莎蒨

莎草

名蒨音蹟

金積折廉壁

辟

襲無理

金氣積聚折其鋒廉也壁文襲重言用之煩數皆鈍

無復文理也

磬龜無腹

磬空也象磬數鑽以卜故空盡無腹也言禁為無道不修仁德但數占龜

莫得吉兆也

著策日施晚世之時七國異族諸侯制法各殊

習俗

晚世春秋之後戰國之末七國齊楚燕趙韓魏秦也齊姓田楚姓芊燕姓姬趙姓趙韓姓韓魏姓魏

秦姓贏故異族也

從橫間之舉兵而相角

蘇秦約從張儀連橫南與北合為從西與

東合攻城檻殺覆高危安掘墳墓揚人骸大衝車高重

為橫街車大鐵著其轅端馬被甲車被兵所以衝於敵城

也古者伐不敬取其鯨鯢收其骸尸聚土而瘞之以

為京除戰道便死路犯嚴敵殘不義百往一反名聲苟

觀盛也言百人行戰皆死是故質壯輕足者為甲卒

甲鎧也在

車曰士千里之外家老羸弱悽愴於內廝徒馬圍

拊

車奉饗廝役徒衆也牛曰牧馬曰道路遼遠霜雪亟集

短褐不完短褐處器物之人也褐毛布如人羸車弊泥

今之馬衣也不完言民窮也

塗至膝相携於道奮首於路携引也奮首民疲於役賴

仆於路僅能搖頭耳言疲

困也故

身枕

尤

格而死

格撻楚也言收民役賦不畢者撻之於格上不得下枕格而死

所謂兼國有地者伏尸數十萬破車以千百數傷弓弩

矛戟矢石之創者扶舉於路故世至於枕人頭食人肉

藟人肝飲人血甘之芻豢故自三代以後者天下未嘗

得安其情性而樂其習俗保其脩命天而不夭於人虐

也所以然者何也諸侯力征天下合而為一家逮至當

今之時天子在上位

天子漢孝武皇帝

持以道德輔以仁義近

者獻其智遠者懷其德拱揖指麾而四海賓服春秋冬

夏皆獻其貢職天下混而為一子孫相代此五帝之所

以迎天德也夫聖人者不能生時時至而弗失也輔佐

有能黜讒佞之端息巧辯之說除刻削之法去煩苛之

事屏流言之迹塞朋黨之門消知能消除知能修太常隳

肢體絀聰明

去其小聰明并大利欲者也

大通混冥解意釋神漠然

若無魂魄使萬物各復歸其根則是所修伏羲氏之迹

而反五帝之道也夫鉗且大丙不施轡銜而以善御聞

於天下伏戲女媧不設法度而以至德遺於後世何則

至虛無純一而不囁

雜

喋喋

苛事也

喋喋猶深算也言不采取煩苛之事

周書曰掩雉不得更順其風

言掩雉雖不得當更從其上風順其道理也言可行

與不猶當以道德為本論申商之法失之也

今若夫申韓商鞅之為治也

三子

之術皆為掣

掣

拔其根蕪棄其本而不窮究其所由生

何以至此也鑿五刑為刻削乃背道德之本而爭於錐

刀之末

錐刀之末論小利言盡爭之也

斬艾百姓殫盡太半

殫病也

而忻

忻然常自以為治是猶抱薪而救火鑿竇而出水夫井

植生梓而不容甕溝植生條而不容舟不過三月必死

植謂材也椽杙於溝邊因生為條木也 所以然者何也皆狂生而無其本

者也河九折注於海而流不絕者崑崙之輸也潦水不

泄瀆曠瀆養極望旬月不雨則涸而枯澤受瀆救而無

源者濕雨漬疾流者故曰無源譬若羿請不死之藥於西王母恒娥

竊以奔月恒娥羿妻羿請不死之藥於西王母未及服之恒娥盜食之得仙奔八月中為月精奔月

或作豎肉藥豎肉以為言羿悵然死畜之肉復可生也悵然有喪無以續之失志若有

所喪亡不能復得何則不知不死之藥所由生也羿不死

不死藥以續之知不死之藥所由生也申韓商鞅之等不得治之根本如乞

藥矣一說羿謂命在藥不知命自在天也故或欲得知

不死藥之所  
由出生也

是故乞火不若取燧寄汲不若鑿井

淮南鴻烈解卷六